

BOSNA I HERCEGOVINA
FEDERACIJA BOSNE I HERCEGOVINE
KOMISIJA ZA VRIJEDNOSNE PAPIRE
FEDERACIJE BOSNE I HERCEGOVINE
Broj: 04/1-19-289/16
Sarajevo, 31.08.2016. godine

Temeljem čl. 13. Zakona o Komisiji za vrijednosne papire („Službene novine Federacije BiH“, br. 39/98, 36/99, 33/04, 92/13), čl. 200. Zakona o upravnom postupku („Sl. novine Federacije BiH“, br. 2/98 i 48/99) i čl. 24. st. (3) Zakona o preuzimanju dioničkih društava („Službene novine Federacije BiH“, br. 77/15), Komisija za vrijednosne papire Federacije Bosne i Hercegovine, rješavajući po zahtjevu društva INA-Industrija nafte d.d. Zagreb podnesenom po odvjetniku Bajramović Amaru iz Sarajeva, za odobravanje objavljivanja ponude za preuzimanje društva društvu INA- Industrija nafte d.d. Zagreb, na 492. sjednici održanoj dana 31.08.2016. godine, je donijela

RJEŠENJE

1. Odobrava se objavljivanje ponude za preuzimanje društva Energopetrol d.d. Sarajevo, Maršala Tita 26., Sarajevo (ciljno društvo) društvu INA- Industrija nafte d.d. Zagreb, ul. Avenija Većeslava Holjevca 10., Zagreb (ponuditelj).
2. Ponuditelj je dužan objaviti ponudu u roku od 7 (sedam) dana od dana prijema ovog rješenja i dostaviti ponudu: društvu Energopetrol d.d. Sarajevo, Sarajevskoj berzi-burzi vrijednosnih papira i Registru vrijednosnih papira u Federaciji BiH, najkasnije narednog dana od dana prijema ovoga rješenja.
3. Rješenje će se objaviti u Službenim novinama Federacije BiH.

Obrazloženje

Društvo INA- Industrija nafte d.d. Zagreb, sa sjedištem u ul. Avenija Većeslava Holjevca 10., Zagreb (ponuditelj), je dana 10.08.2016. godine podnijelo zahtjev za preuzimanje društva Energopetrol d.d. Sarajevo, ul. Maršala Tita 36., Sarajevo (ciljno društvo).

Uz zahtjev je dostavljeno: ponuda za preuzimanje dioničkog društva Energopetrol d.d. Sarajevo; Izvadak iz sudskog registra Republika Hrvatska ovjeren od javnog bilježnika Maroslavac Željka, Zagreb, br. OV-21143/16 od 12.07.2016. godine; Specijalna punomoć izdatelja INA Industrija nafte d.d. Zagreb, br. Re U-16-4/16 od 13.7.2016. godine kojom je dato ovlaštenje odvjetnicima Sead Miljković, Maja Šimunac, Mia Čivić, Lamis Kulenović, Tea Sipović-Imamović i Amar Bajramović, ovjerena kod notara Ljubiše Marković, OPU-OV-5193/2016 od 10.08.2016. godine; Ugovor o kupoprodaji paketa dionica izvan burze br. 02/16 zaključen između MOL Hungarian oil and gas public limited company MOL Plc, Budapest, Hungary, kao prodavca i INA- Industrija nafte d.d. Zagreb, kao kupca, od 11.07.2016. godine, ovjera kod notara Ljubiše Marković, OPU-OV-5184/2016 od 09.08.2016. godine; Potvrda Sarajevske berze-burze vrijednosnih papira br. 1-03-654/16 od 05.08.2016. godine; Garancija UniCredit Bank d.d. Mostar br. WD160804gd.391 13 od 4.8.2016. godine, Zahtjev Registru za zaključenje ugovoru od 10.08.2016. godine; dokaz o uplati naknade Komisiji.

Naknadno je, dana 16.08.2016. godine, dostavljen Ugovor zaključen između ponuditelja i Registra vrijednosnih papira u Federaciji BiH, od 16.08.2016. godine i potvrda Registra br. 04-6-8473/16 od 15.08.2016. godine.

U ponudi za preuzimanje ciljnog društva, je navedeno: podaci o ciljnom društvu, i to Energopetrol d.d. Sarajevo, Maršala Tita 26., Sarajevo, temeljni kapital u iznosu od 68.661.525,00 KM, broj dionica 5.492.922 nominale vrijednosti od 12,50 KM; podaci o ponuditelju, INA- Industrija nafte d.d. Zagreb, ul. Avenija Većeslava Holjevca 10., Zagreb, u vlasništvu ima količinu od 3.680.258 ili 67,00% dionica ciljnog društva; iznos dionica koje su predmet ponude: 1.812.664 ili 33% od ukupnog broja redovnih dionica; ponuditelj izjavljuje da se ponuda upućuje svim dioničarima

ciljnog društva; cijena po jednoj dionici: 2,30 KM ili 18,40% nominalne vrijednosti dionice; izvori i način osiguranja naknade za plaćanje dionica: osiguranje bankarske garancije od strane UniCredit Bank koja pokriva kupovinu svih dionica koje su predmet ponude, a kao izvor sredstava su navedena vlastita sredstva ponuditelja; rok plaćanja cijene: sedam dana od dana isteka roka trajanja ponude, a isplata će se izvršiti preko Registra vrijednosnih papira; rok trajanja javnog poziva: 28 dana od dana objave ponude; uvjetovanje ponude: ponuditelj uvjetuje da predmet ponude za preuzimanje nisu dionice na kojima je zasnovan teret; društvo ovlašteno za prikupljanje ponude je Registar vrijednosnih papira u FBiH; navode se upute o načinu i učincima deponiranja dionica te drugim pravima i obvezama dioničara koji deponiraju dionice, a posebno pravu na povlačenje dionica i odustajanje od prihvatanja ponude za preuzimanje. Nadalje je ponuditelj u ponudi naveo namjeru u pogledu budućeg poslovanja ciljnog društva, i to: „namjera je ponuditelja nastaviti s jačanjem tržišne pozicije na bosanskohercegovačkom tržištu kroz nastavak opsežnog programa modernizacije maloprodajne mreže ciljnog društva, a koji se odnosi na projekte kapitalnih rekonstrukcija i modernizacije maloprodajnih lokacija ciljnog društva, te uvođenje novog koncepta negoriva (program široke potrošnje, ugostiteljski objekti i autopraonice). Navedene promjene bi u nadolazećem razdoblju trebale predstavljati pozitivan temelj za stabilan rast prodaje goriva i negoriva na teritoriji BiH, ponuditelj će kroz nastavak ulaganja u bolju tehničku opremljenost maloprodajnih lokacija ciljnog društva ostvarivati prepoznatljivost kao i viši stupanj razine zadovoljstva kod sadašnjih i budućih kupaca ciljnog društva. Ponuditelj očekuje da predmetna ponuda za preuzimanje kratkoročno neće bitno utjecati na buduće poslovanje ciljnog društva. Po okončanju ponude ponuditelj nema namjeru mijenjati poslovanje ciljnog društva niti isti ima namjeru izmijeniti način korištenja imovine ciljnog društva niti stvoriti buduće obveze izvan uobičajnog tijeka poslovanja.“ Navode se i strateški planovi: „Ponuditelj namjerava nastaviti postojeću poslovnu strategiju i politiku stabiliziranja poslovanja koja je bila na snazi i prije davanja ponude za preuzimanje ciljnog društva. U tom smislu, ponuditelj ne očekuje da će predmetna ponuda za preuzimanje imati bitan utjecaj na položaj i materijalna prava radnika ciljnog društva. Ponuditelj očekuje da će ciljno društvo nakon ove ponude moći iskoristiti prilike na bosanskohercegovačkom tržištu u budućnosti za unapređenje poslovanja, te da će navedeno rezultirati i potencijalnim povećanjem broja zaposlenika u ciljnom društvu. Mjesto obavljanja poslovne djelatnosti ciljnog društva i ponuditelja neće se mijenjati. Nije predviđeno da će doći do značajnih promjena u vezi sa mjestima u kojima ciljno društvo i ponuditelj obavljaju svoju djelatnost.“ Vezano za namjeru u vezi sa upravom ciljnog društva, u ponudi se navodi: “Ponuditelj predviđa promjene u Upravi ciljnog društva nakon ponude, ali bez značajnih promjena u postojećem sastavu izvršnog menadžmenta te njihovim dosadašnjim materijalnim pravima. Nije predviđeno da će doći do promjene dosadašnje politike novčanih i nenovčanih davanja i drugim pogodnostima za članove uprave i nadzornog odbora ciljnog društva.“


Izvršen je uvid u registar emitenata kod Komisije, te je utvrđeno da je temeljni kapital ciljnog društva 68.661.525,00 KM, podjeljen na 5.492.922 redovnih (običnih) dionica nominalne vrijednosti 12,50 KM.

Utvrđeno je da je cijena u ponudi suglasna odredbi čl. 16. Zakona o preuzimanju dioničkih društava, te da ponuda za preuzimanje ciljnog društva sadrži sve podatke iz čl. 22. st. (1) istog Zakona, pri čemu za točnost i istinitost podataka navedenih u ponudi ne odgovara Komisija.

Kako je ponuditelj, uz predmetni zahtjev dostavio tekst ponude za preuzimanje sastavljen suglasno odredbi čl. 22. st. (1) Zakona o preuzimanju dioničkih društava, te dokumentaciju propisanu čl. 22. st. (3) tog Zakona kao i dokaz o uplati naknade Komisiji suglasno tar. br. 5. st. (1) Odluke o tarifi naknada („Službene novine Federacije BiH“, br. 31/13, 48/14, 60/14, 22/16), to je donesena odluka kao u dispozitivu.

Pouka o pravnom lijeku:

Ovo rješenje je konačno i protiv njega nije dopuštena žalba, ali se može pokrenuti upravni spor. Upravni spor se pokreće tužbom kod Kantonalnog suda u Sarajevu u roku od 30 dana od dana prijema ovog rješenja. Tužba se podnosi u dva istovjetna primjerka, a uz istu se prilaže i ovo rješenje u originalu ili prijepisu.



Dostaviti:

- ① INA- Industrija nafte d.d. Zagreb, putem opunomoćenika: advokatska kancelarija Amar Bajravić i drugi, ul. Augusta Brauna br. 3., Sarajevo;
 - Evidencija, a/a
- Co. Registar vrijednosnih papira